

Osnovne informacije za upis

Prijave na Konkurs za upis podnose se Studentskoj službi PMF-a od 15. - 30. juna 2009. godine.

Prijava na Konkurs

Za prijave na Konkurs za upis u prvu godinu studija kandidat je dužan predati slijedeće dokumente:

- zahtjev za upis u kome je tačno naznačen odsjek na koji konkuriše,
- originalne svjedodžbe o završenim razredima srednje škole završene u Bosni i Hercegovini četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilažu se prevedeni i od strane sudskog tumača ovjereni dokumenti),
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu i
- druge dokumente relevantne za utvrđivanje broja bodova po kriterijima.

Osnovne informacije

Na svim odsjecima Prirodno-matematičkog fakulteta polaže se prijemni/kvalifikacioni ispit, koji je eliminatoran i nosi 40 bodova.

Na **Odsjeku za biologiju** se polaže kvalifikacioni ispit gimnazijskog programa predmeta Biologija.

Na **Odsjeku za fiziku** se polaže kvalifikacioni ispit iz gimnazijskog programa predmeta Fizika za sve smjerove, osim nastavnog smjera Fizika i informatika.

Za smjer Fizika i informatika kvalifikacioni ispit se polaže iz gimnazijskog programa predmeta: Fizika i Matematika.

Na **Odsjeku za fiziku** od kvalifikacionog ispita su **oslobodeni**, tj. dobiće maksimalni broj bodova po ovom osnovu, kandidati koji su tokom školovanja imali prosječnu ocjenu 4 i više po osnovu općeg uspjeha i uspjeha iz predmeta: fizika i matematika.

Na **Odsjeku za hemiju** se polaže kvalifikacioni ispit gimnazijskog programa predmeta Hemija.

Na **Odsjeku za geografiju** se polaže kvalifikacioni ispit gimnazijskog programa predmeta Geografija.

Na **Odsjeku za matematiku** se polaže prijemni ispit gimnazijskog programa predmeta Matematika.

Na Odsjeku za matematiku od kvalifikacionog ispita su oslobođeni kandidati koji su nosioci medalja sa međunarodnih matematičkih takmičenja (BMO i IMO).

Kvalifikacioni ispit na svim odsjecima Prirodno-matematičkog fakulteta će se održati 01.07.2009. godine u 10h.

Pored prijemnog ispita boduje se i:

OPĆI USPJEH nosi maksimalno 40 bodova, a utvrđuje se tako da se prosječna ocjena iz svih predmeta u svim razredima, zaokružena na dvije decimale, pomnoži sa 8.

- USPJEH PO PREDMETIMA TOKOM SREDNJOŠKOLSKOG OBRAZOVANJA ZNAČAJNI ZA ODABRANI STUDIJ:

- Odsjek za biologiju: biologija, hemija, fizika i maternji jezik.
- Odsjek za fiziku: fizika, matematika, informatika i maternji jezik.
- Odsjek za hemiju: hemija, fizika, matematika i maternji jezik.
- Odsjek za geografiju: geografija, maternji jezik i strani jezik.
- Odsjek za matematiku: matematika, informatika, engleski i maternji jezik.

Broj bodova po ovom kriteriju, tj. na osnovu uspjeha iz pojedinih predmeta značajnih za pojedini studij, iznosi maksimalno 20 bodova.

Na odsjecima za fiziku, geografiju, hemiju i matematiku je organizovana pripremna nastava za kandidate koji žele pristupiti kvalifikacionom ispitu na Prirodno-matematičkom fakultetu Sarajevo. (detaljnije informacije na www.pmf.unsa.ba).

Visina školarine za redovne studente iznosi 100 KM, za vanredne studente i redovne studente koji troškove studija snose sami iznosi 1200 KM.